



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

Quomodo in mente se habeant, & consurgant Ideae. Cap. 5.

urn:nbn:de:hbz:466:1-12918

seminibus gignuntur, Ideisque proportiones respondent, nuncupantur imitationes, participationes, proximi materiæ termini, ac demum vmbrae Idearū. Et quoniam nos in hoc quasi terræ antro sumus collocati, in quo solæ volitant vmbrae rerum; cùm ea, quæ verè sunt, non cōspiciamus, has vmbras magnificimus, hæc verè entia existimamus. Quòd si nobis fœlici sorte contingat, ut munere Philosophiæ caput animæ supra has tenebras eleuemus; tunc has quasi laruas despicientes, eam solam verè vitam iudicabimus, quæ à crasso hoc corpore soluta est; tunc cum Propheta exultantes clamabimus; Dies vnum in atriis tuis Domine, plusquam mille aliorum anni. ¶

Quomodo in mente se habeant, & consurgant Ideæ.

CAP. V.

SN ordine vniuersi finis est ipsum vnum, quod supremū est; sub quo fine caussa efficiens collocatur. Et quoniam exemplar dirigit artificē ad finem; propterea Idea mediare dicitur inter finem, & opificem; est eminentior opifice, humilior fine; & conuenienter dici potest sapientia opificis, rectaque ratio eius, per quam efficit opus suo fini congruens. Consideratur opifex in primo signo, ut essentia est: mox consideratur, ut cuncta intelligens, & producere volens, in quo secundo signo cōsurgunt Ideæ.

Hoc denotauit Plotinus Enneade sexta lib.
7. inquiens; Mens sibi comparauit spectacu-
la boniformia, cum pri nūm contemplata est
ipsam boni naturam: influxit namque in men-
tem ipsum bonum, nō omnino, sicut ibi erat;
sed sicut ipsa mens accipit. Ex quo constat, ad
quod genus caussæ redigatur Idea: nam ea ab-
solutè forma est, cum sit pura, & eminens es-
tentia rei; at in ordine, & modo operandi, ad
caussam efficientem redigitur: est enim sapien-
tia artificis, cuius umbra est recta ratio huma-
narum artium, per quam artifices diriguntur;
nō autem ita est rerum forma, ut proximè eas
formet, & constituat. Hinc patet inanæ esse
plurimas Arist. contra Ideas rationes: veluti
dum inquit, non dari hominem sine his carni-
bus, & ossibus; insuper, dum afferit, si vna om-
nium esset Idea, omnes essent unus homo; &
aliae similes: quæ omnes omni carent vi ad-
versus propriam Idearum assumptionem, ut
ex se costat. Insuper ex dictis conspicuum est,
cur à Platonicis Idea redigatur; non ad con-
caussas, qualis est materia, & forma; sed ad cau-
ssas. Nam caussæ illæ dicuntur, quæ absolutæ,
liberæ, & dominæ sunt; qualis est finis, & effi-
ciens; inter quas mediare Ideam ostēsum est.
Demum patet ex Platonis sententia, ob Ideas
genera caussarum nō reddi plura, quam qua-
tuor; ut perperam multi ex sectatoribus Ari-
stotelis tribuunt Platoni. Nam, ut recte in iij.
Metaph. dixit Syrianus, Idea varia considera-
tionē

ratione est causa in triplici genere: ut forma, ut
finis, & ut efficiens: præsertim tamen efficiens
est, si respicimus ad rationem, & modum, per
quem opus à causa pendet; ad quem respice-
re debemus, dum numeramus genera causa-
rum. Cöstat itaque Ideam præsertim ad caus-
am efficiensem redigi; quæ causa efficiens à
Platone sola, & absolute causa nuncupatur,
ut in Philo manifestauit; nec propterea ab
Arist. dissentit, nisi in modo loquendi. Ut verò
apparet, quomodo in prima mente consur-
gant Ideæ; considerandum est, quod natura
primi entis, quatenus proximè ab ipso uno
pendet, eatenus unitatibus, quasi seminibus
fœcunda Ideas parit; easque deinceps nume-
ris maioribus, minoribusve componit: nam
quod proximè ab uno pendet, necesse est, ut
sit prima sui origine multiplex; alioquin non
recederet ab uno: nō tamen ita est multiplex,
ut in eo unum etiam nō resulgeat; nam ibi re-
peritur, & unum ante Ideas, ex quo consurgunt
numeri Ideas constituentes; & unū post Ideas
ex unitatibus consurgens; adeò ut Idea quæ-
libet, sit quid unum, multitudinis necessariò
particeps. Et propterea Ideæ omnes, & uniformes,
& boniformes, & demum pulchritiformes
esse dicuntur. Nec horū dantur in mente pro-
priè Ideæ, cùm sint communia initia, & vires
omnium Idearum, effusæ per omnes, quarum
postrema est pulchritudo; quæ est spendor
boni per Ideas effusi; Ideo in eo intelligibili

in uno duo considerantur termini, unitas, & pulchritudo: Unitas est terminus supremus, tanquam caput subsequentium: Pulchritudo est terminus postremus, tanquam fulgor mediorum postremo consurgens.

Conuenientia, & Differentia Idearum.

CAP. VI.

 Voniam in mente & unum, & multitudo, identitas, ac alteritas inueniuntur; propterea etiam Ideæ inter se conueniunt, & distinguuntur. Conueniunt primò, ratione initij, à quo pendunt: omnes enim fluunt ab uno: conueniunt secundò, ratione mentis; omnes enim in mente reperiuntur: conueniunt tertio, ratione finis, & usum, quos præbent; omnes enim cōsimiles præbent usum: quartò conueniunt Ideæ, quia à sola mente exactè apprehenduntur, ab anima vero solum eatenus attinguntur, quatenus mente participat, & cum ea iungitur. Demum conueniunt, quoniam quælibet Idea est essentia viua, intelligentia, intelligibilis, verè ens, forma, & actus virtute imitabili prædictus. Cum autem Idea omnis sit imitabilis, dum exactè imitatur, recteque sine impedimento in materia exprimitur, pulchritudo consurgit; dum contraria, deformitas: nam pulchritudo in corporibus, est exacta Ideæ imitatio, ad similitudinem, adeo, ut, subtracta materia, ad Ideam eleuemur. Ex quo constat, veram pulchritudinem